

Arc Taw Kev

Cov Tswv Yim Qhia Ntawv Rau Tib Leeg Kheej (Individualized Education Plans (IEP))

Raws li Txoj Cai xyoo 2004 Txhim Kho Kev Kawm Ntawv Rau Cov Tsis Taus (2004 Individuals with Disabilities Education Improvement Act (IDEIA)), cov me nyuam puas hlwb thiab puas ib ce muaj cai tau ntau hom kev pab los ntawm lawv lub cheeb tsam tsev kawm ntawv txij li thaum yug kiag txog hnuv nyoog 21. Thawj kauj ruam kom tau cov kev pab yog tsim kom muaj ib lub tswv yim.

Thawj lub tswv yim siv rau cov neeg kawm ntawv hnuv nyoog 3 thiab loj dua siv Lub Tswv Yim Qhia Ntawv Rau Tib Leeg Kheej (Individualized Education Plan (IEP)). Lub tswv yim IEP yog pab txog tus me nyuam txoj kev kawm ntawv nkaus xwb. Pab neeg tswj lub tswv yim IEP yog muaj tus me nyuam leej niam leej txiv nrog, muaj txoj luag num tsim lub tswv yim IEP. Lub cheeb tsam tsev kawm ntawv muaj txoj luag num siv lub tswv yim IEP nyob rau ntawm ib puag ncig uas tsis ceev nruj. Kom tsim nyog tau txoj kev pab no, tus me nyuam yuav tsum muaj txoj kev tsis taus, uas yuav tsum tau txoj kev kawm ntawv tshwj xeeb thiab cov kev pab muaj feem xyuas rau kev kawm thiab muaj ib yam ntawm 13 yam nram no:

- Xeeb Txawm Puas Hlwb
- Lag Ntseg los yog Tsis Hnov Lus Zoo
- Puas Kev Hais Lus los yog Siv Lus
- Puas Qhov Muag Pom Kev
- Puas Siab Ntsws los yog Cuj Pwm
- Puas Ib Ce
- Puas Hlwb Thaum Yau (Autism Spectrum Disorder)
- Raug Hlwb Puas Loj
- Lwm Cov Kev Tsis Taus
- Tej Hom Kev Tsis Taus Ntawm Txoj Kev Kawm
- Lag Ntseg-Dig Muag
- Ntau Yam Kev Puas Loj
- Loj Hlob Qeeb (txog thaum hnuv nyoog 7 xyoo)

Yuav tsum muaj caij nyoog rau cov niam txiv koom nrog txoj kev tsim cov tswv yim IEP. Siv tsis tau thawj lub tswv yim IEP kom txog thaum cov niam txiv paub zoo txog thiab kos npe tso cai rau. Tom qab siv lub tswv yim IEP thawj zaug tag, lub tsev kawm ntawv siv cov kev hloov ntawm lub tswv yim IEP tau tom qab 14 hnuv tsuav yog cov niam txiv tsis tau sau ntawv tsis pom zoo dab tsi li cas xwb. Yog cov niam txiv tsis teb rov tuaj tom qab 14 hnuv, lawv txoj kev tsis teb txhais tau tias yog lawv tso cai lawm. Yuav tsum rov sau dua lub tswv yim IEP ib xyoos ib zaug yog qhov tsawg.

Tsoom fuv teb chaws muaj cov kev cai tsim lub tswv yim IEP, tiam sis lub xeev thiab cov cheeb tsam tsev kawm ntawv yuav txhais mus ntau txoj kev thiab yuav siv cov kev cai mus ntau txoj kev. Yog li cov tswv yim no yuav txawv ntawm ib lub xeev mus rau ib lub thiab txawv ntawm ib lub cheeb tsam tsev kawm ntawv mus rau ib lub.

Yuav tsum soj ntsuam thiab rov xyuas koj tus me nyuam lub tswv yim IEP ib xyoos ib zaug. Lub tswv yim IEP yuav tsum muaj:

- Koj tus me nyuam qib peev xwm thiab qib kawm ntawv thiab qib siv tau lub cev.
- Cov hom phiaj rau lub xyoo thiab cov hom phiaj luv.
- Cov kev kawm ntawv tshwj xeeb thiab cov kev pab muaj feem xyuam uas koj tus me nyuam yuav tau.
- Cov kev hloov thiab kev txhawb uas tus neeg hauv tsev kawm ntawv muab pab rau koj tus me nyuam.
- Tsab lus piav qhia, yog tias muaj, seb vim li cas koj tus me nyuam thiaj tsis kawm ntawv nrog cov me nyuam uas tsis muaj kev tsis taus hauv lawv cov chaw kawm ntawv.
- Hnuv cov kev kawm pib, qhia heev npaum li cas, nyob rau qhov twg thiab qhia ntev npaum li cas.
- Seb yuav ntsuas koj tus me nyuam txoj kev kawm ntau zoo zus li cas thiab yuav ceeb toom qhia li cas.
- Koj tus me nyuam qhov chaw kawm ntawv nyob qhov twg.

Xav tau cov ncauj lus ntxiv los yog tau cov kev tawm tsam txhawb, hu rau Arc Hauv Ob Lub Nroog Ntxaib ntawm 952-920-0855 los yog txuas mus xyuas www.arcgreatertwincities.org.

Tsab ntawv no tsis yog tswv yim raws kev cai lij choj, thiab yuav tsum tsis txhob muab siv ua plaub ntug. Yog li cov ncauj lus ntawm tsab ntawv no hloov tsis tau tus kws lij choj cov tswv yim. Hu tau rau Minnesota Chaw Lij Choj Rau Txoj Cai Tsis Taus ntawm (612) 334-5970.